

周中丞疏稿

江南疏稿卷之八

臨川周孔教明行父著

屬吏龐源全校

薦舉地方人材疏

為薦舉地方人材亭臣撫吳五年十郡人材
覩記最真茲奉身而退不能報

國以身竊附以人事

君之誼謹覈實為

皇上陳之除現起用大學士王錫爵當茲身病子

亡之時萬無出山就道之理

皇上之愛老臣以德當收回

成命全彼晚節此臣去歲一造其廬不敢更為勸
駕者也原任大學士申時行身備五福綠野
治稼鶴之盟意篤三休

紫宸絕鷺鷥之夢此係

存問元臣

皇上已返之以老不敢瀆薦者也原任南京戶部

侍郎方私靜

清世婆婆作靈光于江左烏聊綿亘埒大椿於楚
南原任南京刑部尚書徐元太錦秉玉表相
性筠情已映少微之星早結香山之社此二
臣者當

賜存問以備辟難之養臣不敢例薦者也其餘懸
車未久及例拜赴部者通不敢藥叙外臣訪
得原任吏部左侍郎孫繼舉許

國精忠一疏披肝光日月救時雅望十年袖手
老絲綸原任工部右侍郎汪應蛟出處之節

皦如日忠孝之心通于天在近母社稷之臣
為萬邦文武之憲原任山東巡撫萬象春提
封青濟功高枕漱梁溪神旺已戴大東之保
障宜司極北之筦疆原任保定巡撫羅應鶴
恒岳塵清燕雲鑿徽南陔之孺慕已久北門
之鎖鑰宜推原任湖廣巡撫李得陽赤手匡
時黑頭致政江漢之長城八面崆峒之顛氣
千尋原任南京通政司使徐九秋直幹千
頃澄波宥高纜轡之風佇作
岩之雨原任

南京通政司右通政顧九思芬馥猶蘭冲夷
若谷鐵柱輝餘白簡銀臺望重

清朝原任太僕寺卿施策息羽鯤鵬六月秉心駉
牝三千益斗名高為霖望切原任南京太常
寺卿顧雲程凌霄峻節扶電雄才鴻名久著
栢臺駿望宜前岳室原任太常寺少卿史孟
麟二語反

封王之汗

皇天后土鑒此精忠一函定邪正之衡世道人心

賴有讜論原任太僕寺少卿張輔之直聲
鼎正氣千尋浩然懷蕁菜之清風久矣飲木
蘭之朝露未任南京光祿寺少卿顧憲成正
學開來繼往浩氣旋乾轉坤身係天下之重
輕道關君子之消長原任南京大理寺寺丞
葉茂才清比箕穎之高人是羲皇以上康節
先生不作雞眉事司馬文正每為顧影行原
任光祿寺寺丞吳正志世濟忠貞人推公望
典刑穆然雲光特立名節屹乎泰山增高原

任翰林院修撰焦竑經世醇儒濟時名顯端
亮允稱公輔清真不愧科名原任兵科都給
事中吳文粹四歷瑣垣十年丘壑宜念披鱗
之効重慶鳴鳳之音原任禮科左給事中葉
初春去

國忠存羽翼憂時願効謀謨愛樹名高

楓宸望重原任山東巡按御史嚴一鵬孤忠銷巷
伯之魂至孝養庭闈之志名並北斗清澄東
齊原任廣西巡按御史錢一本一疏廉頑扶

世教三餘讀易見天心千古清風百年名德

原任山西巡按御史特偕行四種河陽之樹

一披錦繡之囊天際孤鴻雲間獨鶴原任吏

部郎中五士騏望隆山斗美濟忠貞羽翼漢

儲而五色補天銓量晉品而九流仰鏡原任

禮部郎中子孔兼閩闡忤貴議禮回

天勁節翠柏蒼松偉望泰山喬嶽原任禮部主事

諸壽賢直節可鐫金石生平不愧神明豹隱

一血鳳翔千仞原任刑部郎中子玉立青天

白日肝腸豪傑聖賢作用忠信入波濤而不
懼節槩屹山嶽而難移原任刑部主事徐三
重龍能見而更龍潛名可聞而不可即人是
南州孺子才推江左夷吾原任南京吏部主
事安希范奉祖遺真器含天粹千年接洙泗
之脉一封增日月之光原任南京兵部郎中
劉元珍批鱗鯨以回

天策塞從容而就道封事長懸日月聲名高並斗
山原任禮部主事鄭振先星芒色正雪調麟

希萬言藥石日月爭光千里湘纍鬼神
原任行人司行人高攀龍學窮伊洛橫渠
先之秘節有慶曆元祐君子之風知覺先
民出處關世運原任行人司行人陸彥章
木參天之閥閱靈芝瑞世之才名精莖如
如金彪柄為麟為鳳原任國子監助教解
教正氣貫日凌霄清風廉頑立懦舉天下
好不足動其志故盡一世賢豪未能或之
原任國子監博士陳敏中讀父書而探河

養親志而守衡茆家貧修竹數竿歲晚寒林
獨勁原任國子監監丞蔣弘憲開三徑以自
適嗜二酉其若飴秀挺清標風含玄暘原任
武英殿中書黃正賓特立千尋卓品先憂一片
丹心見義九死何辭正氣兩間可塞原任福
建布政范濂理學朱程之脉品望范富之淵
汪汪萬頃之無涯巖巖千尋而屹立原任西
川布政湯日昭冕露晝熊堂垂金馬心映錦
川之水口署玉壘之碑原任四川布政

卷之二

承胸藏武庫瑞應文昌才名久著於

望更隆於節鉞原任河南按察使蕭雍

麟鳳學者斗山懸河錯落珠璣振鐸栽培

李原任河南按察使吳中明河瀾撐半壁

天澤鹿起九幽之煦考亭可作季札猶生

任雲南按察使劉弘道南省之甘棠勿剪

垣之疏州猶新心戀駒維望隆鴻漸原任

西叅政姜士昌孤忠秋霜烈日爭嚴偉望

山喬嶽並峙敢諫櫻當關之帟豹高名

世之鳳麟原任陝西叅政于仕廉勁節冰寒
一室高風壁立萬層澹然百慮之無營真若
一清之到底原任河南叅政陳所蘊古質秦
松漢栢綺文練水錦江一代之清流百年之
間氣原任山東叅政顧雲鳳西川之錦芙蓉
東國之藩保障日月昭冥共徹江河今古同
流原任浙江叅政袁一虬澹寧範俗質直鎮
浮滅明之清操久堅謝傅之蒼霖在望原任
陝西叅政張淳巖邑甘棠冷曹勁艸洵

殊絕之人物餘當年未竟之設施原任江西
叅政張恒大人不失赤子之心結綬無忘戲
綵之慕天主忠孝名重斗山原任四川提學
副使吳士奇螺江熊軾風清玉蘂蛾時雨化
鳴鐘侍印善刀養恬原任湖廣叅議伍表萃
養孟天之氣得伯夷之清家四壁而腹五車
志千秋而友三代原任陝西叅議王圻黃鍾
謠古白雪才清文起八代之衰業擅千秋之
秀原任四川叅議後甲獨尋豐州八把紫

芝濃艷之習畧無名利之心都盡原任湖廣
叅議周總昌永鑑玉輝駿材鳳藻兩藩赫斗
山之望八柱需黼黻之猷原任江西僉事沈
瓚玉尺端方水壺瑩潔想其風采頑懦回心
假以節鉞文武為憲原任雲南僉事陳希美
操行醇粹真度冲恬居臺建白精忠歷任澄
清遺澤原任湖廣襄陽府推官何棟如孤忠
膽落貂豎遺愛淚洒羊碑間關獄詔六年赫
奕芳流百世原任蓬萊縣知縣錢大復道宗

濂洛迹邁龔黃著作直求六經向上工夫潔
修耻作三代而下人物養親進士俞彥洵
名流鳧鳳上瑞暫遂舞斑之願佇看補衮之
才以上諸臣皆一時人材之選所宜薦揚以
備擢用丙范涿錐請告未久寧食已久此等
真品真材天不虛生世寧多見本官雖抗浮
雲之志而蒼生實渴霖雨之思宜投閑正
堪肩重巨楩之月旦咸謂與詩郎汪應蛟皆
忠清公正之品歸新安二龍所當與汪應蛟

及時大用不當復煩以外吏之事臣故得破
例并薦者也再照君子難進易退明時難得
易失以難進易退之士而當難得易失之時
以故甚相須而亦甚相失時論惜之而遷謫
削籍諸臣尤為可惜夫此遷謫削籍諸臣皆
忠肝義腸明目張膽不顧萬死一生之計為
國家出力乃竟使之不免關弓之傷而為一網
之盡沉淪一丘萍飄半世真堪悲也夫騏驎
有追風逐電之足伏乎櫪干將有剗犀截象

之銜閉乎匣將用未用一朝變化為骨燕市
躍入延平為知人之痛惜即如顧允成華鈺
張納陸皆化為異物矣舉一三吳而天下可
知也近者恭運漸開衆正途關內如顧憲成
已起用矣猶未盡其用也賢才如顧憲成者
天生名世為

國巨棟出處係蒼生行藏關世運此非獨一官
之浮沉一人之進退已也所當與豫章之鄒
元標燕南之趙南星並登三事不宜尋常例

用使遠在

留京者也蓋本官一壑來歸廿年淪落即使起
遷猶是循格者也其餘遷謫削籍諸臣近經
推補及未經推者亦當作速推補唯是一推
不下便自歇手恐諸臣無振羽之時而海內不得
快龍光之覩此當視如急流之用楫必不可
住手之勢庶幾萬一得

下賜環有期即今千里之內五年之間用者僅見
顧憲成一人死者已顧允成等三人嗟夫河

清難俟駒隙易馳計五十年之內僅可用十人而死者已不勝數則諸臣不至老死岩穴不已也舉一三吳而天下又可知也臣書至此不覺為英雄洒血沾衣襟也夫當茲

國家多事之秋豈野渡橫舟之日收錄人材為第一義伏乞

皇上俯念人材培植之難摧折之易登用之難淹抑之易將孫繼皋等分別

召用顧憲成破格大用遷謫削籍諸臣不次顯擢

至如顧允成等効忠於

國蘭玉夙凋最可哀悼尤望

皇上量加褒恤以獎忠魂臣又訪得三吳布衣王
暨陳一麟欲伯羔管明道力行者書樂志所
謂天之君子今之古人仍乞

皇上勅下吏部行查得實破格弘獎以風岩穴以
比於堯舜之有巢由所關係世道人心不淺
鮮矣緣係薦舉地方人材事理未敢擅便為
此具本專差

齋捧謹題請

音

薦舉救荒司道疏

為薦舉救荒賢能司道以重民生以風吏治
事臣等竊惟荒政之舉雖責成於郡縣而總
理實倚賴於司道除常鎮兵備按察使蔡獻
臣已經論劾臣不敢復贅外其餘賢能司道
官負勞不可泯者臣謹會同巡按御史王國
禎鄧澄為

皇上陳之查得徽寧兵備右叅政劉會巨川舟楫
儉歲稷梁彈壓於流離多事之區而慮周於

桑土籌畫於饑溺頻仍之際而澤流於蓬簷
蘇松兵備副使李右諫砥柱重望補天弘猷
掀蟄奮雷拔羣生於幽滯出雲降雨回千里
之豐稔此二臣者於救荒一事極為加意所
當優叙者也伏乞

勅下戶部再加查訪如果臣等所言不謬將司道
劉會等俱移咨吏部紀錄優叙庶甄別當而
人心知奮荒政舉而吏治益修矣緣係薦舉
救荒賢能司道以重民生以風吏治事理未

敢擅便為此具本專差

齊棟謹

題請

旨

薦舉荒政有司疏

為薦舉救荒賢能有司以示激勸以重民生
事臣杜門候代一切事務疾不能埋惟是去
歲三吳之水乃從來未有之災而有司之救
災亦從來未有之善幸蒙

皇上推惻隱之仁

沛濟湯之澤

賜蠲賑賑

允罷允停災民更生

江蘇疏稿

卷八

皇恩廣被臣等惟有焚香望闕共三吳士民共嚮叩頭祝

聖壽無疆乃各有司奉行

皇上德意括撫朝夕心殫力疲其勞亦自不可泯者除到任日淺賢勞不及衆即賢勞及荒而灾傷不甚重及各府佐雜經踏荒原未署印俱不敢稟叙及各府州縣行過賑恤事宜用過錢糧數目俱另類冊隨本

奏報不敢瑣塵

聖覽外其餘應薦有司臣謹會同巡按御史王國
禎鄧澄據事直書敢一一為

皇上陳之如寧國府知府金勵才兼文武道濟溺
饑億萬家枯朽更生二千石勲猷卓冠蘇州
府知府趙世祿清粹恬雅絕倫循良卓異獨
步千里鴻歌鴈詠五湖鶴浴魚肥松江府知
府張九德凜凜冰霜之操生生天地之心富
青州全活甚多張常山清白第一池州府知
府黃流芳汝南千頃宏度潁川第一循名救

千里之溺饑垂百世之樂利太平府知府余
思明築五門而民免魚鱉之患惠萬家而野
有鴻鴈之歌心事可對彼蒼田里呼為余佛
鎮江府知府霍鎮方博大精詳清貞篤密彈
壓凶惡鐵甕喫咻澤潤金沙常州府知府杜
承文瑞清得長吏之體篤誠見君子之心手
披五袴之溫溝起千里之濟徽州府知府楊
松年清操一塵不染惠政五袴成詠遠趾關
西之高風大布青州之陰德原任安慶府知

府今陞廣西副使趙世徵一琴一鶴家風萬
感萬應材局起千里之菜色留百世之甘棠
原任蘇州府同知署崑山縣事今丁憂徐來
建澹然一心獨立千仞納溝不啻已溺視篆
大得民情原任靖江縣知縣今陞松江府同
知朱勳韻宇冲融才資清劭拮据如傷之政
全活胥溺之民原任松江府同知署本府事
今丁憂尤大治性秉慈和躬行寬大視篆仁
蘇溝瘠防海氛銷澤符寧國府同知署本府

及宣城縣事陳振揚清出倉穀二萬餘石救
此饑民百千餘家不事虛文真有實惠應天
府通判署溧水縣事田墾恬靜有守悃幅無
華視篆湛露載星踏荒擲風沐雨松江府推
官署華亭縣事毛一鷺廉勤公謹純粹清和
平反一洗梧窻全活五蘇菜色常州府推官
署本府事錢時逸度冲襟雋才爽氣砥節有
如懷璧救災不啻沃焦安慶府推官署本府
事黃鳴喬命世毓才照時瑰行咄嗟定鼓譟

之亂俄頃收還定之功原任鎮江府推官署
本府事今丁憂齊典韻宇冲融才資清劬勤
蓋春生有淑藹養民賴息肩宜興縣知縣喻
致知樹循治最卓異名高振振信厚之麟螭
落安集之鴈長洲縣知縣祁承燦操履清貞
綏懷勤儉膏澤周流百里循良卓越三吳高
淳縣知縣宋祖騰憂民如有病拯溺欲無身
全活魚鱉之民允矣鸞鳳之吏涇縣知縣李
邦華特立之儒寡和于世循良久推卓冠救

荒特其緒餘吳縣知縣陳以聞性行淋均品
流高勝極溺白渠歌鴈砥節范甌生魚六合
縣知縣米萬鍾學貫百家吏循西漢護災民
如護元氣治亂民如治亂繩嘉定縣知縣陳
一元拊疲療而愛竭膚髮問疾苦而淚盡瘡
瘼涔無枯鱗政成祥鳳當塗縣知縣朱汝鰲
秉節高亮宅心粹夷沉犀障百川之瀾為魚
免萬姓之患上海縣知縣李繼周嘔心擢賢
者四年起死回生者萬姓饑而不害有孚惠

心丹徒縣知縣張孝軒昂人表清白吏師消
疹氣為太和登疲氓於壽域休寧縣知縣賈
克忠若維漢登之民如傷饑溺由已儉歲嘉
穀濟川意旣常熟縣知縣楊連一清徹底百
方救饑實同吳隱酌水之廉再見鄧攸載米
之事宣城縣知縣鮑國忠瓌村秀發懿度鴻
明救災剛烈風暴雨不辭散賑則深山窮谷
咸戴桐城縣知縣徐從治心周民隱才濟時
艱釐弊則害馬必除救荒而產蛙作又華亭

縣知縣聶絳昌材氣絕倫仁心為質溝瘠悉
登衽席道殍再覩茨梁青浦縣知縣韓原善
已溺已饑切恥移民移粟多方堤障陽侯民
依君父魚山縣知縣祝耀祖得天粹氣為世
清流升斗鮒魚至蘇飼哺鳴鶴如一南陵縣
知縣徐調元天真清亮雅性粹恬百里痛切
溺饑四境近通呼吸溧陽縣知縣夏煒澤與
雲遊心入水淨勞來仁蘇溝瘠胼胝力障波
濤吳江縣知縣馮任溫溫雅度翼翼小心千

堤力障鯨鯢百堵招徠鴻雁深水縣知縣朱
身修德潛天粹政播民和蕩氛祲為祥風變
榛楛為禾黍武進縣知縣張垣小心有翼大
朴不雕無疾聲急呼於戶庭有陰以隱德於
田里金壇縣知縣郭如楚國棟軒昂儒珍韞
藉甫任牛羊之牧主消魚鱉之憂太湖縣知
縣邢祚昌操履數馬之慎剝割目牛之全官
有壺飧邑無道殍江寧縣知縣李充大操潔
冰壺改勤星駕肅清輦轂之治長活溝壑之

民繁昌縣知縣鄧一儒臨事若祭保民若嬰
起疲瘵於溝壑之中視閭閻如几席之近貴
也縣知縣蕭繼美綢繆未雨拮据戴星野無
魚服之民寔絕帝冠之吏青陽縣知縣張文
德淪膚實政瀝血苦心既推食而解衣能攘
災而弭盜宗明縣知縣劉孔祺真醇不鑿初
心明要能周民務裨躬集木憂民納溝東流
縣知縣馮若呂會辛乳哺被髮控災既有備
於流行庶無虞於睿墊建平縣知縣吳世治

才資卓爍器采翹明字民備極憂勤任事不
辭勞怨以上皆救荒賢能有司所當優叙者
也再照茲者之舉主於荒政而各官之荒政
其賢勞又大倍於往時况叅以平日官評不
得濫及所當作為正薦以備擢用行取及遇
考滿宜給以

恩典者也內如黃流芳趙世徵朱勳雖係陞任徐
來建充大治商典雖係丁憂而朱勳轉自臣
屬黃流芳等在日之勞苦獨多去後之戀慕

尤切相應併叙者也伏乞

勅下戶部再加查訪如果臣等所言不謬將知府
等官金勵等共四十九員俱移咨吏部紀錄
優叙庶甄別當而人心知奮荒政舉而吏治
益修矣緣係薦舉救荒賢能有司以示激勸
以重民生事理未敢擅便為此具本專差

齋捧謹題請

薦舉防守蘇城將領各官疏
為郡城寥廓桑土未周懇乞

聖明俯從末議區畫營兵以安重地事准兵部咨
該本部題覆前巡撫都御史曹時揚會同巡
按御史高從聘題議防守蘇州郡城增兵禦
侮法戶給餉申嚴紀律責任將領分別功罪
明信賞罰名項均應如議等因奉

聖旨依擬行欵此欵遵備咨前來隨經案行蘇松
兵糧道遵照舉行外查得內一款議賞罰謂

盜賊捕獲多寡乃各官功罪攸分每年終通查各官有無捕獲課其勤惰分別去留而坐營官職在督率亦應照此定議功罪如總哨官防守三年無事聽會薦需用若一年之內城中失事一次城外失事二次而又全無捕獲者捆打革換賞罰既明人知警惕等因另行該道查覈開報去後今據蘇松兵備兼糧儲水利副使李右諫呈稱查得自萬曆三十一年奉文以來原議三年一次舉行惟是爾

時各官遷調不常去留靡定功效未著不敢
續

奏今蒙本院精選各官久任責成以故桴鼓不
驚崔符絕跡郡城之內外戶不閉雖災眚非
常而民安盜息因本院力行之效而各官奉
行之謹亦自有不次及者相應分別功罪以
示勤懲等因到臣等查得各官奉到臣

臣今奉

命回籍病憤之中何能更為評核顧五年以來諸

臣功次皆心識之且係題

准事例關係地方安危不敢廢也隨該臣會同巡按御史鄧澄看得蘇州雜郡其實東南一大都會也五方之民雜居言語殊異冠服不常隙地曠野緝宇梵宮盡為叢冗之所而諸游手游食之民打行博徒在在而有民窮財盡生計鮮少市井無賴漸習椎埋猶有專諸遺風是以郡城方四十里之內探囊發櫃斬關殺人者一月常一二見也惡少突起剝衣搶

帽而踏人於道一日常一二見也至乃穿窬
小偷鷄鳴狗盜一夜又不啻數見也臣初到
時詢之父老嘗言程際則知飲馬橋蘇城隍
集街市也府與府在橋之西長吳二縣一在
橋之東南一在橋之西北羅卒與更徹曉不
息而三十年徐氏之興舖已盡為大盜守矣
玄妙觀城之中隅御史臺踰其西肘而二十
八年行稅之變二十九年皮查之變一夫奮
臂萬人響應火人廬躡人居而驚人白楮之

下二年之內再見告矣又胥門內之線香橋
逼近禁城又近在臣衙門之右不數武此游
徼第一嚴密處也而二十八九年民家孫仁
夥盜斬門而入怯其篋去矣此舉其著者他
不勝縷數也其特非無兵非無總哨等官而
盜竄不能捕誅盜息不聞赭衣發覺即玄妙
一二盜竄大亂亂始不能發亂成曾未
有其在是者此亦大恠異事也臣既鑒于前
事而又申明前任撫臣題

准事例申飭

功令與總督各官折矢為誓臣又嘗寒夜三四
起周幾箚掣查勞其勤佚其怠而後諸臣之
氣百倍自奮內外巡緝不替而嚴至今五年
於茲無論巨盜遁息即穿窬亦皆絕跡豈臣
一手一足之力執稽之往事若彼驗之今日
若此則總督各官所為暑雨祁寒不憚勞苦
而執矣驅就達旦不得枕息其功勞亦足多
者彼其所博蓋在今日之一薦耳今據該道

覈實開報前來請為

皇上一一陳之臣訪得管坐營遊擊事都司僉書
陸韜廉不近名才可集事即經歲而鳴吠無
警知頻年之防禦多勞先是蘇州陸營總練
原任守備湯國治忠義自許調儻多奇韜略
素于胃中或名播于江上太湖總練原任守
備楊允恭奇神爽朗知慮周詳三軍色動旌
旗五湖功崇保障蘇州陸營總練鎮海衛百
一吳邦七尺雄軀千里壯志射備士爭用命

防守盜自潛蹤標營總練太倉衛百戶姚重
胤騎射精閑機宜曉暢馭卒恩威並用防盜
風雨不辭標營總練鎮江衛署所鎮撫談玄
軒諫氣槩慎密操縱旅刷旌旗改觀統御恩
威並用太湖總練武舉南匯所鎮撫喬一琦
雄心落落俠骨铮铮雅有國士之風殊無武
夫之態標營總練武舉官杜應魁宿著千斤
之名雅堪一面之寄忠肝義膽雄略大村標
營總練金吾衛鎮撫顧時成溫文之度爽練

之才巡守刁斗特嚴傳宣旌旗生色以上諸
臣任勞任怨茹苦茹辛巡緝已逾五年始終
勤如一日所當薦揚以倡勇敢任事者也內
湯允恭喬一琦維太湖總練而太湖逼近郡
城夙為盜賊淵藪故語云湖水清一郡寧自
二官任事以來湖水不波巨盜屏息郡有寧
宇勞苦功多故得并薦及查近該兵部題
准事例一應雜流不得濫與薦目內喬一琦係武
舉加納杜應魁係武舉顧時成係納級但查

近例納級一款內開果有長才異能屢薦堪
用者許以本等急色報部查其功薦先為題
加署職管事然後推用使壯夫俠士有途自
見等因是近例之嚴嚴於冒濫而網羅之廣
又不遺於真材即內材如喬一琦先是巡江
朱御史薦其為江南將材第一况效勞在先
奉例在後若以近日之

新例而沒其五載之辛勤恐無以勸任事之心而
使人得為善之利今茲臣據前任巡撫題

准事例半滿叙薦亦部咨使壯夫俠士有途自見
之意至復

命一疏臣斷不敢破例此外如太倉衛指揮王瑞
屏諺兵滿腹精神揮戈渾身膽略鎮江衛千
戶應襲文舉官高應魁勇有傳席曳牛之力
射有忠鷗貫蠶之神太倉衛所鎮撫錢夢龍
明爽博學得體訓練旌旗改觀此三臣者先
是曾積勞轉門著名東海亦皆格於例不敢
列薦者也蓋用者必薦以見臣憐才之心薦

者不必用一聽該部權衡之審臣又何敢必
執伏乞

勅下兵部再加查訪如果臣等所言不謬覆議

上請將都司僉事等官陸韜等分別擢用庶武弁

感

恩思奮而重地益有攸賴矣緣係郡城寥廓桑土

未周懇乞

聖明俯從末議區畫營兵以安重地事理未敢擅

便為此具本專差

齎捧謹題請

音

江南疏稿卷之九

臨川周孔教明行父著

屬吏龐源合校

薦舉方面官負疏

為薦舉方面官負事臣奉

命巡撫江南所轄方面官負總計四道茲叨陞得
請候代例應薦舉除常鎮兵備按察使蔡獻臣已
經論劾外該臣訪得徽寧兵備右叅政劉會
疑如斷山澹若止水廉察而吏貪之墨洗噴

咻而民力之賴蘇千里封疆一口歌咏九江
兵巡右叅政余焯嶽峙淵渟之品水斷陸剽
之才耀甲而江湖安瀾千里波恬浪靜寨帷
而閭閻帖席四封遠至邇安蘇松兵備副使
李右諫兼慈瑞亮文武光明內安外攘保障
之勲聲宿懋長駕遠馭節鉞之間望彌高此
三臣者才品兼優名實俱茂皆一時方面之
良所當薦揚以備優擢者也伏乞

下吏部再加查訪如果臣言不謬將劉會余焯

李右諫槩從優擢庶

畿輔憲臣知勸而重地綏靖有賴矣緣係薦舉
方面官負事理未敢擅便為此具本專差

齋恭謹題請

旨

舉劾有司官負疏

為舉劾有司官負事臣奏

今茲撫江南已及五載茲者叨陞得

請候代所屬有司官負劄應舉劾除池州府知府

黃流步應天府府丞袁世振蘇州府同知鄒

銘寧國府通判吳夢暢應天府推官林之盛

太平府推官高維垣或以粹質清操勵飲冰

酌水之節或以練古敏手試發矧遊刃之能

皆賢聲懋著內黃流芳高維垣見今報陞表

世振等俱俸未及期至於黃流芳及松江府
 同知朱勳寧國府同知陳振揚應天府通判
 田壘江寧縣知縣李充大繁昌縣知縣登一
 儒貴池縣知縣蕭繼美青陽縣知縣張文德
 崇明縣知縣劉孔祺東流縣知縣馮若呂寔
 平縣知縣吳世治皆治行可紀業經荒政叙
 薦俱不敢繫叙外訪得蘇州府知府趙世祿
 以道德人為循良牧鶴市風清千里席仁月
 滿一輪寧國府知府金勵岳崎淵澄俸度公

經武緯全才福星一路歌謠生佛萬家香火
徽州府知府楊松平心病瘵而萬姓瞻仰如
日身律令而列城洗濯承風況是飲水
神會米水太平府知府余思明使心
於樹天惻惻真誠春滿仁鶴之山清徽然平
之渚松江府知府張九德清節百城表
一面蜂兩漢循良之風千里中和
府知府杜承式敬以行簡而素風存誠以
復而青天誦萬家蒙福千佛題名鎮江府知

府霍鎮方練奕遊刃發劔端清澄淵峙岳治
行名高五馬膺功永賴三山安慶府知府高
進番定力如山清心似水洒慈膏於芘黍美
新蔭於甘棠常州府同知連繼芳天韻崇宏
風猷膺敏視篆仁起溝瘠防海氛清澤符蘇
州府同知吳中立操貞茹蘂寸妙斷輪攝符
而帑有美金治河而水成滯玉鎮江府同知
錢夢夔標鑒遐明安度弘粹修戎兵而天塹
鐵甕防江盜而風靜金焦松江府推官毛一

鷺白圭振鷺清霜淚鴻辨材譽冠三吳獻
網解一面寧國府推官楊若予品珍白璧
粹古洋署樞人誦青天推鞠春生丹管
府推官錢時清凌冰柱峻揭斗標平尺
坤明品騰獨懸鑑池州府推官李養
誠濟金璞三敬慎履薄臨深廉平
精款寬洗肺石安慶府推官黃鳴喬勁節
霄英姿邁衆聽讞平衡三尺評品月旦千秋
廣德州知州邵圭才本天成美亦世濟地張

悉中肯綮振救立起瘡痍涇縣知縣李邦華

百里謳歌萬口五載冰蘗一心經術無雙循

良第一宜興縣知縣喻致知德宇覽輝祥鳳

長材歷塊神駒品粹名高治卓政異衣洲縣

知縣祁承燦清貞粹品膚敏長材興崖垂百

年之規循良為一時之最丹徒縣知縣張孝

清操隨鶴敏手承蜩思波淪洽金沙循績高

標鐵甕休寧縣知縣賈克忠清操絕俗長材

不群一簾弦誦千家兩地棠陰萬口吳縣知

縣志以聞振刷害馬必除操持懸以
流百里治邁三吳婺源縣知縣金汝諧人麟
瑞品天駟逸材剴裁風運郢斤噢咻春回鄒
谷未定縣知縣陳一元卓犖罕尋之品所弘
心正之才兩地蘇天一洞趙日當夢麟之點
非不蓋卓品長材真心姤節一簾月照
萬古看回龍小六合縣知縣米萬鏗才思姤
節千鎔長材繡帟洵有其文為牛未盡其用
上海縣知縣李繼周含弘蠶水澄波精練豐

劓出匣民之父母古之循良高淳縣知縣宋
祖騰裋躬則顧影而不愧愛民則剪爪而不
辭魯君子儒漢循良尹祠城縣知縣徐從治
天材英敏風節孤高倚社指顧蠹清銜途吐
嗟事辦宣城縣知縣鮑國忠冰蘊清操建華
粹品豫章之栢千樹南國之棠十尋祁門縣
知縣唐玉天真冲粹斗望高華字民惻隱盈
腔臨事剝裁應手常熟縣知縣楊燁一清徹
慮萬仞摩空駕輕就熟之才任重道遠之器

華亭縣知縣聶紹昌清真似松下之風峻深
沈雲間之鶴循良異等經濟宏材青浦縣知
縣韓原善天生真誠山如鎮定拊字祥占威
鳳批導目無全牛南陵縣知縣徐調元才雄
學不節蠲淚水百里痛切溺饑四境近通呼
政以陽縣知縣曠鳴鸞露權金莖風臨
季子備四時之氣士元非百里之才深防縣
知縣夏煒潔守隨鶴長材剗犀昔年報政敢
後焉口謳歌如一崑山縣知縣祝耀祖卓然

儒行清矣僊才貌專為民而癯
 擊溧水縣知縣朱身修氣度虛中才情雋爽
 百里春溫社席六曹霜肅科條
 馮任純定木雞勞徠澤鴈興釐
 事惟有天知金壇縣知縣郭如禁仁行如春
 度冲若谷百里信非賢路一腔到處仁流江
 陰縣知縣許達道琮璜粹質蘅杜芳標鳴琴
 一寫孤清遊刃應無盤錯句容縣知縣曾士
 懋冰霜潔守盤錯長材當衝意宇神閑得民

途歌巷詠武進縣知縣張垣拊循實政節愛
真心玉在璞而先完鞭以蒲而孤冷以上諸
臣皆一时有司之良所當薦揚以備擢用行
取內寧國府知府金勵向以念毋冰去臣以
地方倚重再三慰賜之惟是本官大生忠孝
之性才兼文武之全當茲邊疆多事之秋正
物色異才之日况本官資俸已及三年倘北
方兵備負缺將本官破格擢用令得就近迎
養不惟

國家得鷹揚之用亦令本官得遂鳥鳥之情歛
縣知縣張濤維經陞任乃本官賢能異等
知之最深若不叙列是為蔽賢本官居官之
循良劫荒之勤苦藉藉口碑不具論獨其操
履廉潔雖處脂膏而一塵不染臨行誓文父
老子弟讀之人人感泣遇事擔當即遇勢豪
而百折不回即黃山一事而樵夫牧豎世世
永賴且其憂

國憂時有如饑渴真有王臣蹇蹇之節猶存

聞諤諤之風倘置之清華曲地必於

國家大有裨益臣又訪得旌德縣知縣鄭景濂
性類鸞鳳貪如碩鼠始猶局局尺寸巧為粉
飾之謀繼乃營營身家大肆谿壑之慾考校
係生儒進取此何等大事乃王三錫以百金
而列首名郭安邦等亦各以五十金而不出
五名是何異持貧兒之鉢而行於市散賑關
災民死生宜何如痛心乃入已者十之六七
散給者十之二三是何異扼饑民之吭而奪

之食各縣冊書已有明禁矣該縣冊書八十
四名每名索銀四兩檀皆復役又何怪乎狐
鼠之縱橫僉報大戶亦有明禁矣私報富戶
一百名每名十金即脫又何惑乎雞犬之騷
動糶米備賑誠為良策乃賑銀一千五百兩
止給三百兩餘皆入己宜乎陳典史拍手挪
榆地方巡捕原有分責乃一切獨操或三五
兩或七八兩一藥收受宜乎向主簿吞聲嘆
怨省祭姚耀昌以姦犯其姪姚天沛割髮首

官權喪湯國用為之過送一百兩遂得會稽
監生江景極亦以姦犯已經楊推官問理罰
修學宮戶書汪學禮為之過送五十金滕隴
回報獄執重予人命乃郭攀以八十金而倖
免陳高陳松亦以百金而倖免是殺人可以不
不死而梧丘之魂何伸害孰大於盜賊乃慣
賊竄愛以三十金而不究積窩以一百五十
金而不究則盜賊何所忌憚而怯篋之風奚
止任霸吏湯國用皇甫梁方一鳳等為耳目

事事聽其主張倚積快郭知張廷寶等為腹
心在在受其浸潤松江府同知馬負圖豺狼
之性螻蟻之心令邑噴有煩言佐却益彰穢
德內之全無關防縱家令馬二出外打詐外
之全無法紀任腹書韓俊等倚借縱橫三縣
糧長五十六名共車水脚銀二萬四千兩每
石加銀三十兩俱書手張正中卜華雲等經
送各船水手陸四等所得工食幾何每名索
銀一兩俱家人馬二勒取北運最苦差也啟

行既索常例矣行至中途一切三白酒及茶
燭等物復紛然雜出乘醉怒責蔡光國金有
光等各四十舟中之血可掬幾至喪命過閘
最險事也各船亦既索常例矣及至過閘乘
險復索取糧長韓用等短絳銀各一兩掛閘
之舟如葉莫不傾家三吳之米如珠况舊歲
又水荒也羊鵝雞鴨等物既每船發養數十
隻矣復發銀四十兩買米百担八十兩之虛
賠此李照磨所以吞聲也真是米鹽雞豚必

察即三吳之木如林法不得載回原籍也既
每船載木四根回籍造房矣又將官船舊桅
一根并帶回家此船戶胡丞所以切齒也無
乃竹頭木屑無遺最可恨者常例所得幾何
陸二一命斃於杖下先任惟薄不修男女四
口殺死衙中任雖未久欲則無巖亟解倒懸
無拘常格江浦縣知縣馬茂良昏庸不辨悉
儒無為以出多門六曹吏書人人得參謀議
隸也不力西造具備每每延至經年門子吳

彥積書楊仲和邑之大蠹也任其指稱哀若
充耳是保姦也一堂官之民謠何辭以解訟
師李先春生負陳一貫民之燕賊也聽彼紮
詐容此吞舟是長惡也樹荆棘於當路祇以
自傷考校何事也十六名之科舉已申府矣
乃姦書楊仲和私續三人後錯愕於府堂之
詰問慎必賓與者若是乎案牘職守也黃忠
之告應文已就逮矣乃刑吏李暘谷得銀五
兩遂改抹為隔屬而不知留心吏治者其然

乎又况賑濟饑民存亡只爭呼吸既再三開冊以登註復再三點閘以稽查枵腹而罷命索之枯魚之肆而已至於錢穀主吏出入尤所當嚴誰許徵入則一千二百文為一兩誰許放出則一兩止給千文上侵官而下剝民明容鼠雀之杜也已以上三臣在鄭景濂穢跡已彰官箴已壞應照貪例革職為民以警官邪在馬負圖據其守雖有疵或念其任尚未久應照浮躁例降調以冀改圖在馬茂

良鞮線之材雖短而桑榆之收可冀應照不
及例以全器使者也伏乞

勅下吏部再加查訪如果臣言非謬將趙世祿等
擢用行取鄭景濂等分別議處庶懲勸明而
人心屬所裨於吏治民生者不淺矣緣係舉
劾有司官負事理未敢擅便為此具本專差

齋捧謹題請

旨

薦舉教職官負疏

為薦舉教職官負事臣奉

命巡撫江南已及五載茲者叨陞得

請候代所屬教職官負例應薦舉訪得寧國府儒
學教授馬德澧家學源流儒紳領袖馬千里
而豈常有鳳五色而成自然鎮江府儒學教
授李任臺聿端垂金薤之琳瑯曾次貯冰壺
之瑤艸鼎彝重器梁棟偉材太倉州儒學學
正蕭思似操持無瑕圭璧條議有用文章允

清廟之璠璣傳名家之衣鉢廣德州儒學學正

日滋挺拔翱翔千仞博綜茹納百川席上奇
珍池中英物婺源縣儒學教諭任家相標品
翱翔千仞詞章組織百家絳帳高風青雲偉
器吳江縣儒學教諭胡汝諒文可鼓吹六經
志在翱翔千仞佇看鵬化暫爾鸞棲上海縣
儒學教諭黃居中輪囷與學絢爛高文暫鶴
唳於雲間行鵬飛於海上休寧縣儒學教諭
趙遊元詞林威鳳學海老龍宏富稱席上之

珍騫騰豈池中之物宣城縣儒學教諭曾洪
璧詞華出璞之三理解入虛之鋒氣壓西京
望隆東壁溧水縣儒學教諭秉允元積學千
言倚馬蜚英萬里搏鵬東箭南金天球國寶
江陰縣儒學教諭戴士傑綆汲文派穎脫塵
編鏗鏘雅頌之音扶搖雲霄之望靖江縣儒
學教諭薛思霽刊落訓故深繹典墳當為學
海之老龍佇快雲天之橫鶚嘉定縣儒學教
諭李之華橫經名高馬帳投筆望屬龍門

海遺珠明堂偉器金壇縣儒學教諭余一德
莊鵬奮翮崑玉凝姿暫迂芸閣之英丕振芹
宮之教六合縣儒學教諭李春榮行端師儒
之體文登作者之堂絳帳清標青雲美器深
陽縣儒學教諭陸可久識度高華學業醇茂
談經五鹿析角造士三鱣馳聲歛縣儒學訓
導董模粹矣趙玉宛其國珍文章大是當家
才識還堪用世華亭縣儒學訓導洪雲翼高
風秀擁青氈立雪教行絳帳文稱作者功濟

饑民寧國縣儒學訓導杜漸恂恂質有其文
循循善廣其誘風端壇杏教植門祗南陵縣
儒學訓導王廷欽學有家傳行堪士範允矣
辟雍之選信是滄海之遺以上諸臣皆教職
之良所當薦揚以備六館有司之選者也內
馬德澧雖經陞任尚在地方例得併叙伏乞
勅下吏部再加查訪如果臣言非繆將馬德澧李
佺臺等酌量擢用庶師儒覲勸而學政益修
矣緣係薦舉教職官負事理未敢擅便為此

具本專美

齋捧謹題請

旨

薦舉佐領官員疏

為薦舉佐領官員事臣奉

命巡撫江南已及五載茲者叨陞得

請候代所屬佐領等官除不職者已經陸續斥戒
外其職業無虧才諳堪用者例應薦舉奉訪得
華亭縣縣丞王而鄴著書綽有儒風聽理深
得民譽安慶府經歷梁大觀通才幹濟有條
苦節堅持得定常州府經歷郝佩操持惕若
捧盈才諳儘堪理劇太倉州判官傅爾恒遐

心超然脫俗敏手綽乎撥煩上元縣縣丞吳
以諒持身矜然無染佐治卓乎有聲武進縣
縣丞余虞一節歷久而不渝異途絕無而僅
見常熟縣縣丞童時明禔躬無一塵之染問
理服兩造之心吳縣主簿諸萬國佐邑幹濟
能前承委勤勞獨著以上諸臣皆一時佐領
之良所當薦揚以備器使者也伏乞

勅下吏部再加查訪如果臣言不謬將王而鄴等
量才擢用庶尺寸之長畢錄而大小之職胥

奮矣緣係薦舉佐領官員事理未敢擅擬為
此具本專差
齋捧謹題請

旨

舉劾武職官員疏

為舉劾武職官員事臣奉

命巡撫江南已及五載茲者叨陞得

請候代所屬武職官員例應舉劾謹將賢不肖各

官據實為

皇上陳之訪得江南副總兵官鄭印熊豹英姿卓
挺鶴鷺神變奇矯肘欲懸雙學堪敵萬此一
臣者履任維新轉自臣屬海上拮据已久東
南保障功多所當優處示勸者也管坐營遊

擊事都司僉事陸韜膺揚遠志席視雄姿持
身不啻飲冰拊士有如挾纊劉河遊擊陳大
猷出自名家宿閑將畧况是武闈首選堪為
徵塞長城此二臣者內陳大猷雖經陞任尚
在地方陸韜効用轅門功勞最著副帥專鎮
次第堪膺者也吳淞把總張五美魁岸有儀
深沉多智長才可當一面壯志常在四方川
沙把總張守爵貧至無以為家忠常懷於報
國允稱干城之選迥出介冑之流柘林把總

王延齡驍雄而武謹飭似文一清江表
載靖雀符之警圖山把總田元宰負七尺軀
學萬人敵蓄威山藏帟豹防江浪息鯨鯢以
上六臣堪備參遊之選者也金山衛指揮使
翁元輔膽氣驍雄儀容壯偉雅負搴旗之勇
時懷表革之忠太倉衛指揮同知張元佐意
氣慷慨才識疏通雅有裘帶之風允稱兜鍪
之選鎮江衛指揮僉事吳重光魁梧有貌每
何不凡彎弓九矢穿楊撤桑三山安堵建揚

衛指揮僉事劉國華行同數馬藝可射擊
箭深得軍心清屯不遺地利金山衛指揮
知西承勲赴赴勇氣翼翼小心承委裕翰
之才訓練多投超之氣鎮海衛指揮僉事
廷揚守不踰閑才能集事孝敦百行之首
孚三軍之心太倉衛指揮僉事夏永昌機
有鋒泉雄自喜擒妖尼功倍十盜靜江
震三吳新安衛指揮同知穆興周英標
壯志雄才文事武備皆通視篆司運稱最

陽衛指揮僉事郭大成沉雄不愧將種拊循
雅得軍心可稱百練之才足任一旅之寄鎮
海衛副千戶蔡承勳激昂壯志寅畏小心防
盜鳴吠不警詰戎旌旗改色新安衛左所百
戶安從龍膽略驍雄丰神挺拔士卒能同其
苦緩急可備折衝鎮海衛右所百戶尹尚元
曉暢戎機旁通世故常抱請纓之志雅負穿
楊之能宣州衛署所鎮撫翟國儒曾獨富於
甲兵行堪表乎介冑人中之虎弁也而儒鎮

江衛署所鎮撫王道濟忠義自許個儻多奇
說劍氣雄萬夫伏櫪志在千里以上十四臣
堪備守把之選者也臣又訪得原任安慶守
備今陞廣東總兵標下坐營都司趙躍龍狼
子野心長蛇封豕其贓私曖昧者姑不苛求
言其核者一件與監生汪清霖結為兄弟即
以座船於儀真販賣私鹽計每歲得私鹽銀
六七千金與汪清霖均分者長阮晟可証一
件拿獲私販客人劉益所私鹽二萬擔不行

申報檀自販賣盡入私囊江京可証一件每
年放糧六次索常例銀一百八十兩計三年
共五百四十兩耆長孫華過付可証一件屬
嚇哨船頭每船常例銀一兩每年六次何止
五百餘金計三年何止千餘金船頭吳信等
証其最可恨者樂戶張應祥平民石照非盜
也禁應祥於監而起賊于石照之家應祥雖
以六十金得釋而石照之母死不可復生矣
良民雷年非富也而証為富逼賣子女雖

五十兩而釋而其子女散不可復合矣江村
富家也拿究是矣何以波及於高定監禁半
日旋即釋之豈非一百二十兩之錢神耶何
以服鄭高之心章崇烈哨官也是其屬矣反
唇相攻何以致指揮紀袞之請和豈非間
和尚之染指耶無怪乎章崇烈之罵至於挾
妓秦五遊江箏聲不絕致經過上司探問夫
以爪牙干楸之任泛江湖范蠡之舟真是一
是膽全無忌憚者也原任圖山把總今陞

貴州都司僉書程大受純袴少年介胃庸品
馭衆等之兒戲論交偏比淫朋方其貪饕求
賄則狠若豺狼及其欲飽狗情即眠同猫鼠
設兵船船與人必其相守也乃所轄三十二
船每船索銀五兩計每歲各船共銀一百六
十兩以為常則各兵高枕於家矣兵以船為
家而船間如也猝有長鬣者之呼艤艤其我
有乎按兵法法少假便非節制耳乃所部八
百兵每雙月放糧一名扣銀五分計一歲放

糧六次共銀二百四十兩定為額即各兵操
閱亦且弁髦矣卒不習器同無卒而今弗習
也豈果未與尉之卒刁斗可無擊乎見面錢
之說至陋規也頭目七兩舵工三兩亦已苛
矣乃合營衆兵而亦每名五錢其細已甚孰
能堪也其歛進者哨長董秀也打抽豐之名
至鮮恥矣土豪趙營七之銀段粟監趙登十
之酒米斯已濫矣乃樂戶八家而亦每家三
兩下流之婦衆穢聚焉其關通者腹兵王繼

宗也職拜盜而身為之盜強犯魏七竊盜何
宗彥徐馬邵承壽等既先後就獲矣乃或縱
之妄拔而漁獵良民或勒其贓物而因以為
利是群盜特為彼而盜也探丸祛篋此其尤
哉禁販鹽而利盡於鹽大夥刁三等私秤趙
紀二潘可立趙四等已屢次捕得矣乃或畧
其現銀而并沒其鹽或約以倍利而縱令興
販是假官法以為市也蹊田奪牛又奚怪乎
若乃恒舞於宮酣歌於室趙璽高亨二趙益

慶之流號狎客而按新聲營務一憑其撥置
職守何存又若微服冶遊狹斜買笑劉三兒
袁四姐張三兒諸妓彼源來而此常往衙署
預撤其闕防官箴掃地其最可痛恨者利親
兄程大嗣之雙瞽借襲祖職遂阻父程克清
不與娶妻致兄終身絕嗣倚岳父范鄉官之
勢奴使族戚程克恕等以致族人攘臂而起
此二臣者漏網已倖於轉官穢德益彰於去
後所當俱革任回衛者伏乞

勅下兵部再加查訪覆

請如果臣言不謬將總兵等官鄭印等分別優處
擢用守備等官趙躍龍等革任回衛庶武弁
知所勸懲地方益有攸賴矣緣係舉劾武職
官負事理未敢擅便為此具本專差

齋捧謹題請

旨

懇將漕折照舊解部轉發遼鎮疏

為折漕出自

曠恩解邊反以滋困懇乞

聖明率由舊章部收轉發以終

皇仁以活災黎事臣於萬曆三十七年八月初三

日准戶部咨山東清吏司案呈奉本部送准

兵部咨為秋防屆期中外多事等事題奉

聖旨著戶部即發應還太僕寺漕折銀十萬兩解

赴談鎮以為募兵克餉之用欽此又准兵部咨

取前銀庫湊別項銀五萬兩發解其餘五萬
兩煩將蘇松常三府新改漕折銀二十八萬
內速兌五萬差官徑解遼鎮一面報部及兵
部知會其餘併催解濟等因移咨前來准此
隨經會同巡按御史鄧澄備行蘇松常鎮二
道嚴督追徵及議委官領解去後又准
咨煩將所屬應天蘇州松江常州寧國池州
太平安慶各府應解漕折兌發十萬兩差官
解送遼陽取討回文送部查考其餘一併徵

解等因到臣准此查得應天寧國池州太平
安慶各府漕銀未蒙之先俱已如數通完解
部外其蘇松常三府又經嚴行催督隨據蘇
松兵備副使李右諫呈稱奉經行據蘇州府
呈諉知府趙卅祿查得歷年漕折止有差官
解部並無解遼之例遼係邊鎮道里修長擔
荷弘鉅帑下吏能勝若欲起解遼左道途無
官兵護送邊境有戎馬可虞蘇城災重之後
賦役萬分煩苦誰能單騎挾銀深入邊塞似

當照舊解部庶甦民困而佐軍需今查本府
見徵漕折共該一十七萬四千二百五十兩
內先完銀二萬六千六百二十三兩一錢七
分四厘五毫業於萬曆三十七年六月初十
日批差解官楊應瓚解部訖今又續完銀六
萬八千七十七兩五錢四分零見委長吳二
縣典史俞有年李時芳領解又據松江府呈
該知府張元德查得往年地方災傷改折漕
糧銀兩委官解部如遇邊鎮告急該部

奏差部寺官解彼接濟沿途兵快護送委任至
重今以漕折五萬徑解遼鎮遠方萬里修城
一介委吏勢孤力寡意外可虞實難起解今
將徵完銀一萬兩於三十七年八月十九日
批差解官謝天表解部外各等因到道本道
看得蘇松二府應徵漕折奉文速扣五萬兩
徑解遼鎮是不過以本部錢糧佐軍興之費
亦何敢辭第錢糧必輸納在部過有動發題
請差官解往甚重之也若令徑從地方起解竊

恐遼之於吳非可朝發夕至也銀至五萬非
可懷挾而往也下吏無部寺之重沿途有意
外之虞况前項銀兩原以前歲遇災撥

懇改折以示寬恤今責之以解遼又未免以寬之
者累之已行據蘇州府查完銀六萬八千四
百餘兩松江府查完銀一萬兩及請照往例
懇免解赴遼鎮亦不容已之情也相應轉請
伏乞本院俯念三吳當災稔之後有司之
辦既艱一旦若解銀以往小民之困苦益甚

特賜移文達部先將兩府已解銀內扣足五萬兩題

請差官解彼接濟餘欠銀數容嚴督徵完照例解進庶

國計無誤而民命獲甦矣又據常鎮兵備按察使蔡獻臣呈稱着得漕糧改折原為地方災傷徼

恩寬恤其漕折銀兩自當按期解部今遼左募兵買馬軍餉甚急屢奉憲檄頻催先將蘇松常

三府漕折銀五萬兩徑自解赴遼鎮軍情重
務義何敢辭第遼左距吳幾至萬里而今一
二委官三四解戶挾銀長往深入邊境戎馬
充斥意外可虞已諉蘇松道議詳兩院照例
解銀赴部轉解遼鎮仍移文奉道知會外今
查常州府事同一體諉府見徵漕折銀四萬
三千七百五十兩已經詳委知事劉中暨於
三十七年九月初十日領銀掛號起解赴部
交納其帶徵漕折見行嚴催諉府徵完解京

各等因到臣該臣查得撫屬各府本年漕折
共計該銀三十四萬九百四十一兩柒錢零
內除應天寧國池州太平安慶五府共銀五
萬六千四百五十七兩零先已盡數通完解
部外蘇松常三府共該銀二十八萬四千四
百八十三兩一錢內蘇州府完銀二萬六千
六百二十三兩一錢零差官楊應璜松江府
完銀一萬兩差官謝天表常州府完銀四萬
三千七百五十兩差官劉中豎松江府續完

銀二萬四百六兩一錢零差官葛卅冕續又
完銀二萬一千九百八十八兩二錢零差官
吳一勲於本年六八九等月初十等日掛號
解部訖蘇州府今有完銀六萬八千七十七
兩五錢四分零見差典史俞有年等即日起
行責令兼程解進前後共計完銀一十九萬
八百四十四兩九錢零總計東西各府通共
完過銀二十四萬七千三百一兩九錢零除
見完銀兩刻期差官起解一面督屬催徵接

濟外所准咨開軍需急用徑自解遼一節該
臣看得漕糧改折

皇上救災之曠澤解遼一議計臣應急之苦心臣
子誼切同舟奉行恐後安敢妄有陳

續惟是吳會遼陽往還萬里征途之險阻交納之
艱難視之該部委官轉解及關而止當關而

交者事體難易天壤不同而故事况解官類皆

郡縣小官毋論意外可虞即合用扛墊勢必
至於另議加編當此賦重役煩之地大祲極

困之秋誅求於額內尚苦難前豈堪加徵於
額之外哉且夫改折將以惠民也今惠甫及
而害隨之是名惠之而實害之矣豈我

皇上饑溺由已之初意哉况事有定制法難驟更
三吳歲輸金錢何止數百餘萬

國家典制即銖兩絲毫皆輸之左藏而度支出
入悉聽之司農二百餘年未之或改豈至今
日遽爾更改萬一此舉開端嗣後墻場有急
必且踵為故事三吳煩罷之民胡以堪之此

道府諸臣所以疾首蹙額莫達民瘼於
天聽而臣奉

旨候代病困呻吟諸務盡寢惟此一事關係
國計民情不得不哀鳴於

君父之前也伏乞

聖明俯念改折本於救災更改不如仍舊
勅下戶部照舊收解其於邊境

國家無秋毫損而吳民感激更生倍萬於改折
鴻恩矣緣係折漕出自

日
廣恩解邊反以滋困懇乞

聖明率由舊章部收轉發以終

皇仁以活災黎事理未敢擅便為此具本專呈

齋捧謹題請

旨